

समे – 12:25

<><><><><><>

PM-NCC Rally

प्रधानमंत्री नरेन्द्र मोदी होर अज्ज नमीं दिल्ली दे करियप्पा परेड ग्राउंड च राश्ट्री कैडेट कोर दी सलाना पीएम रैली गी संबोधत करडन। इस ब'रे एनसीसी पी.एम. रैली दा विशे-सार होग "युवा शक्ति, विकसित भारत"। इस दरान एनसीसी दे 800 कोला मते कैडेट सांस्कृतिक कार्यक्रम पेश करडन, जिं'दे च राश्ट्र निर्माण लेई एनसीसी दी निष्ठा ते प्रतिबद्धता गी दर्शाया जाह्ग। रैली च 18 दोस्त मुख्रें दे 144 युवा कैडेट बी हिस्सा लैडन। एह्दे अलावा "मेरा युवा भारत" ते "शिक्षा मंत्रालय ते जनजाती मामलें आहले मंत्रालय" कन्नै सरबंधत साङ्डे 6 सौ कोला मते स्वयंसेवी बी चेचे परौहनें दे रूपै च एह्दे च शामिल होडन।

<><><><><><>

LG Sports

लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर नै खेड्डें ते युवाएं दे विकास आहले खेत्तरें च असरदार गैहीं पुटिटयां न। उनें गलाया ऐ जे 15 ज्हार शा मते खड्ढारिएं राश्ट्री ते ज़ोनल सतह दे मुकाबलें च खित्ते दी नुमाइंदगी कीती ऐ ते इस दरान महिलाएं दी भागीदारी बक्खी चेचा ध्यान दित्ता गेआ ऐ। गणतंत्र दिवस दे मुख्क समारोह दरान अपने संबोधन च एलजी होरें नगरोंटा च बक्ख-बक्ख किस्मै दिएं आधुनिक खेड्ड सुविधाएं कन्नै लैस खेल गांव दा कम्म बड़ी तौले गै सबूरा करी लैता जाह्ग। एह्दे अलावा जम्मू च तलवारबाजी सरबन्धी अकैडमी ते श्रीनगर च पानी आहलिएं खेड्डें सरबन्धी अकैडमी स्थापित कीतीआं जा करदिआं न। एलजी होरें इब्बी दस्सेआ जे औंदे फरवरी म्हीने होने आहले खेलो इंडिया स्यालु खेड्डें दे 5में संस्करण लेई तैयारिएं दे कन्नो-कन्नी आला दर्जे दे सिखलाई केन्द्रे ते जिमनास्टिक अकैडमी विकसित करने दिआं योजनां बी बनाइयां जा करदिआं न।

<><><><><><>

Badhaal Recovery

रजौरी जिले दे बडहाल ग्रां थमां दिल बधाने आहली खबरां आवै करदिआं न कीजे सेहत सरबंधी अधिकारिएं इस गल्लै दी तसदीक कीती ऐ जे रहस्यमयी बमारी दे लपेटे च आए दे मरीजें दी हालत च सुधार होआ करदा ऐ। जीएमसी रजौरी च इस रहस्यमयी बमारी करी प्रभावत 11एं मरीजें दा ऐल्लै इलाज चलै करदा ऐ ते सब्बनें दी हालत स्थिर बनी दी ऐ। इंदे अलावा पीजीआई चंडीगढ़ च भर्ती 25एं बरें दे ऐजाज अहमद नांS दे मरीज दी हालत च बी सुधार होआ करदा ऐ। सरकारी मेडिकल कॉलेज रजौरी दे प्रिंसिपिल होरें इस गल्लै गी साफ कीता ऐ जे अव्वल दर्जे दिएं लैबाटरिएं दिआं रिपोर्टां, बडहाल च कुसै वायरल इन्फैक्शन दी शेंका गी खारिज करै करदिआं न इस करियै लोकें गी मता घाबबरना नेई लोड़चदा ऐ। ऊआं प्रभावत मरीजें गी बक्ख-नखेड़ियै रक्खने दी बवस्था गी बरोबर लागू रक्खेआ गेदा ऐ ते प्रशासन नै बी हालात उप्पर नेड़मी तकक रक्खी दी ऐ।

<><><><><><>

Mahakumbh

उत्तर प्रदेश दी सरकारै प्रयागराज च महाकुम्भ आहले पूरे इलाके गी अज्जै थमां गड़िडएं दा रैहत इलाका घोषित करी दित्ता ऐ। एह फैसला 29 जनवरी गी मौनी मस्या दे मौके उप्पर होने आहली बड़ी भारी भीड़ दे बवस्थित प्रबंधन आस्तै लैता गेआ ऐ। संगठित नियंत्रण ते कमान केंद्र गी भीड़ पर नजर रक्खने ते संगम पर बड़ी बद्ध गिनतरी च श्रद्धालुएं दे जुटने पर नियंत्रण आस्तै सक्रिय करी दित्ता गेआ ऐ। कुसै आपात स्थिति कन्नै निब्वड़ने आस्तै बड़ी मती भीड़ आहले इलाकें च तुरत कार्रवाई दल तैनात कीते गे न।

<><><><><><>

Khelo India Winter Games

केन्द्र शासित प्रदेश लद्दाख आसेआ आयोजित कीता जा करदा खेलो इंडिया स्यालु खेड़्ठें दा पैहला हिस्सा अज्ज संपन्न होआ करदा ऐ। एहदे परैन्त औंदी 22 थमां 25 फरवरी तगर केन्द्र शासित प्रदेश जम्मू-कश्मीर आसेआ एहदे दुए चरण दी मेजबानी कीती जाहग। इस दरान एल्पाईन स्कींग, आईस हॉकी, स्केटिंग, बर्फू पर रग्बी ते होर बी केई सारी स्यालु खेड़्ठें दा आयोजन कीता जाहग।

<><><><><><>

Forest Fire Poonch

पुंछ जिले दे मेंढर आहले जांगली इलाके च कब्जा रेखा दे नेड़े कल अगग लग्गी गई जेहदे पर काबू पाने आस्तै तुरत प्रतिक्रिया आहली इक टीम उत्थे भेजी गई। ध्यानजोग ऐ जे खित्ते च पिच्छले काफी समें थमां सोक्के ज्नेय हालात बने दे न जिस करी जंगली इलाकें च अगग लग्गने दिऐं घटनाएं च बाददा दर्ज कीता जा करदा ऐ। सरबंघत अधिकारिएं हालात उप्पर नेड़मी तक्क रक्खी दी ऐ ते इस चाल्ली दिऐं घटनाएं गी रोकने लेई एहतियाती गैहीं पुट्टियां जा करदिआं न।

<><><><><><>

Weather-Highway

मौसम विभाग नै औंदी 29 जनवरी दी संझ तोहड़ी खित्ते च मौसम खुश्क रौहने दी पेशगोई कीती ऐ। ऊ'आं औंदी 29 जनवरी दी रातीं ते 30 तरीक गी बड्डलै प्रदेश दिऐं टामीं-टामीं थाहरें पर हौली बरखा ते बर्फबारी दी संभावना जताई गई ऐ। एहदे परैन्त 31 जनवरी तगर मौसम बदलोखड़ा बने दा रौहग। तोआई जम्मू-श्रीनगर राश्ट्री जरनैली सिड़क एनएच-44 पर गड्डिएं दी आओजाई दौने बक्खी दा बवस्थित ढंग्गै'नै चलै करदी ऐ। लोकें गी एह सलाह दित्ती गेदी ऐ जे ओह अपनी लेन च पूरे अनुशासन कन्नै गड्डी चलान ते दिनै बेल्लै गै सफर गी तरजीह देन। उआं रजौरी ते पुंछ जिलें गी शोपियां कन्नै जोड़ने आहली ऐतिहासिक मुगल रोड अजें बी गड्डिएं दी आओजाई लेई बंद ऐ।

<><><><><><>

HIL

मर्दे दी हॉकी इंडिया लीग च अज्ज संझां ओडिशा दे राउरकेला च श्राची राढ़ बंगाल टाइगर्स दा सामना दिल्ली एसजी पाइपर्स कन्नै होग। एह मैच संझां 6 बजे शुरू होई जाहग। तोआई इक होर मुकाबले च जेएसडब्ल्यू सोरमा हॉकी क्लब ते वेदांत कलिंगा लांसर्स आमने-सामने होडन। एह मैच रातीं 8 बज्जियै 15एं मिनटें थमां खेड़ढेआ जाहग। एहदे शा पैहले महिला लीग च कल रांची च ओडिशा वारियर्स नै फाइनल च जेएसडब्ल्यू सूरमा हॉकी क्लब पर 2-1 कन्नै जित्त दर्ज करियै महिला हौी इंडिया लीग दे पैहले संस्करण दा खिताब जित्ती लैता।

रुतुजा दादासो पिसल गी प्लेयर ऑफ द मैच चुना गया। जेएसडब्ल्यू सूरमा हॉकी क्लब दी ज्योति गी प्लेयर ऑफ द टूर्नामेंट चुनेआ गेआ। झारखंड दे मुख्यमंत्री हेमंत सोरेन होरें ओडिशा वारियर्स दी कप्तान नेहा गोयल गी ट्रॉफी भेंट कीती।

<><><><><><>